



UNIVERSITÄTS-
BIBLIOTHEK
PADERBORN

Antiquae Lectionis Tomus ...

In Qvo Plvra Qvam XX. Antiqua monumenta, nunquam edita

Canisius, Heinrich

Ingolstadii, 1602

Caput 40.

[urn:nbn:de:hbz:466:1-64160](https://nbn-resolving.org/urn:nbn:de:hbz:466:1-64160)

Ciliciam depopulatur Valeriano in Persas ducto, Sapor Rex de dorso Valeriani semper equum ascendebat.

Caput 40.



GALLIENVS firmatur in imperio. Germani Raucenam venerunt. Alamanni vastatum Auenticum perueniunt, inestimabili nocumento & plurimam partem Galliarum vastauerunt, indeq; in Italiam transferunt. Græci Pannoniam occupauerunt. Germani Hispanias obtinuerunt, etiam & Syriam incurfauerunt, Franco in eorum habentes auxilio, Gallienus Mediolani occiditur.

al. 8.
I. frater ex Vo-
pifo.

Romanorum **XXVII.** regnauit **CLAUDIUS** annos **XL.** & menses * nouem. Claudius Gothos, Illyricum, & Macedoniam vastantes superat. Claudius Syrmij ciuitate Pannoniæ moritur.

QVINTILIUS Claudij * pater à Senatu Augustus appellatur. **XVII.** die Imperij sui occiditur.

Romanorum **XXVIII.** regnauit **AVRELIANVS** annos **V.** & menses **II.** Aurelianus, Tetrico apud Cataulanesem exercitum gubernante, Gallias recepit. Cenobia apud Emmaus non longe ab Antiochia vincitur, quæ, occiso marito suo, Orientis tenebat imperium: in qua pugna strenuissime apud eadem pugnavit Pompeianus dux genere Francus, cuius familia vsque hodie apud Antiochiam perseuerat. Cuius Pompeiani instantia maxima pars Asiæ ditioni Romanæ subiecitur: ex cuius stirpe **EVAGRIVS** charissimus nobis presbyter descendit. Tetricus Aurelianum Romæ triumphantem & Cenobia præcesserunt. Aurelianus templum Solis ædificat, Romam firmioribus muris vallat, Aurelianus cum aduersus Christianos persecutionem mouisset, à fulmine occiditur.

Romanorum **XXIX.** regnauit **TACITVS** menses **VII.**
Quo

Quo apud Pontum occiso, obtinuit FLORIANVS imperium dies 89 qui apud Tharsum interficitur.

Romanorum XXX. regnavit PROBUS annos VI. menses IV. Probus Gallias à barbaris occupatas, ingentivirtute restituit Probus Gallijs & Pannonijs vineas habere permisit. Probus tumultu militari apud Syrmium in turri, quæ vocatur Ferrata, occiditur.

Romanorum XXXI. regnavit CARUS cum filio *Caput 41.*
CARINO & NUMERIANO. Carus fulmine est mortuus. Numerianus ob oculorum dolorem cum lætica veheretur, insidijs Apri soceri sui occisus est, vix foetore cadaveris post aliquot dies comperto scelere. Carinus in prælio victus apud Murgum occiditur.

Romanorum XXXII. regnavit DIOCLETIANVS an: XX. qui primo pro scelere generum suum interfecit. DIOCLETIANVS in consortio regni sui Herculium Maximianum adsumit: qui rusticorum multitudine oppressa, qui factioni suæ Baccharidarum nomen indiderunt, pacem Gallijs reddidit. Carausius sumpta purpura Britannias occupavit. Narseus in Oriente bellum intulit. Achilidis Ægyptum obtinuit. ob quæ Valerius Maximianus Cæsares assumuntur in regno. DIOCLETIANVS etiam affinitate coniungitur: & Constantius priuignam Herculei Theodoram accepit, ex qua postea sex liberos Constantini fratres habuit; Gallerius filiam Diocletiani Valeriam; ambo vxores, quas habuerunt, repudiate compulsi. Carporum & Basternorum gentes in Romanum solum trās-lati. Primus Diocletianus adorari se vt Deum iussit: vestibus, calceamentisque gemmas inseruit; cum ante eum omnes Imperatores in modum iudicum salutarentur, & chlamydem tantum purpuream à priuato habitu plus